

অবিলম্বে প্রকাশের উদ্দেশ্যে: 9/12/2019

গভর্নর অ্যান্ড্রু এম. কুওমো

**ই-সিগারেটের বিপদ নিয়ে নতুন ইয়র্কবাসীদের শিক্ষা দিতে ব্যবস্থা নেন গভর্নর কুওমো**

**স্টেটের এজেন্সিগুলোকে বাষ্পপানের ব্যাপারে শিক্ষা সচেতনতা প্রোগ্রাম পরিচালনা করার নির্দেশ দিয়ে নির্বাহী আদেশে স্বাক্ষর করেন**

**ই-সিগারেট এবং তরল নিকোটিন ব্যবহার অন্তর্ভুক্ত করতে তামাক ব্যবহার কমানোর লক্ষ্যে শিক্ষা কার্যক্রম ও প্রচারণা কর্মসূচি বাড়ানোর আইনে স্বাক্ষর করেন**

গভর্নর অ্যান্ড্রু এম. কুওমো আজ অপ্রাপ্তবয়স্কদের মধ্যে ইলেকট্রনিক সিগারেট ও লিকুইড নিকোটিন ব্যবহার ঠেকাতে ব্যবস্থা নিয়েছেন, স্বাক্ষর করেছেন [নির্বাহী আদেশে](#) যা স্টেটের এজেন্সিগুলোকে বাষ্পপান বিষয়ে শিক্ষা সচেতনতা কর্মসূচি পরিচালনা করতে নির্দেশ দেয় এবং (S.301A/A.481A) আইনে স্বাক্ষর করেন যেটি ই-সিগারেট এবং তরল নিকোটিন অন্তর্ভুক্ত করার জন্য তামাক ব্যবহার কমানোর লক্ষ্যে বর্তমান স্কুলভিত্তিক প্রোগ্রাম এবং বিপণন প্রচারণা সম্প্রসারণ করার নির্দেশ দেয়।

"তরুণদের নিকোটিনের ব্যয়বহল ও মারাত্মক আসক্তি থেকে রক্ষা করতে ধূমপানের বয়স 21 বছরে বাড়ানোর পর আমরা জনস্বাস্থ্যকে রক্ষা করতে এবং ই-সিগারেটের বিপদ থেকে আমাদের সন্তানদের নিরাপদ রাখতে আমরা আমাদের মিশনকে দ্বিগুণ করছি - যা দুর্ভাগ্যজনকভাবে নিয়মিত সিগারেটের সাধারণ বিকল্প হয়ে আছে", **গভর্নর কুওমো বলেন।** "এই ক্ষতিকারক পণ্য থেকে নিউ ইয়র্কবাসীদের একটি সমগ্র প্রজন্মকে রক্ষা করার জন্য আমরা ঐক্যবদ্ধ এবং আমাদের লক্ষ্যে দৃঢ়প্রতিজ্ঞ এবং এটি সম্পন্ন করার জন্য আমাদের সর্বোচ্চ চেষ্টা করব।"

গভর্নরের নির্বাহী আদেশে স্টেটের এজেন্সি, বিভাগ ও জনহিতকর প্রতিষ্ঠানগুলোকে নির্দেশ দেওয়া হয়েছে, যার উপর গভর্নরের নির্বাহী কর্তৃত্ব রয়েছে তাদের শিক্ষা কার্যক্রমে ও কর্মচারী প্রশিক্ষণে বাষ্পপান ও ই-সিগারেট প্রতিরোধ ও নিবৃত্তি ব্যবস্থা অন্তর্ভুক্ত করার জন্য। এই আদেশে স্টেট স্বাস্থ্য দপ্তরকে (Department of Health) স্টেট শিক্ষা দপ্তরের (State Education Department) সঙ্গে কাজ করে অবিলম্বে স্কুল ডিস্ট্রিক্টের জন্য এমন ব্যবস্থা গড়ে তুলে তাদের পাঠ্যক্রমে অন্তর্ভুক্ত করার নির্দেশ দেওয়া হয়েছে। প্রায় 40 শতাংশ দ্বাদশ শ্রেণীর শিক্ষার্থী এবং নিউ ইয়র্ক স্টেটের 27 শতাংশ হাই স্কুলের শিক্ষার্থী ই-সিগারেট ব্যবহার করে। গত বছর হাই স্কুলে ব্যবহার 2014 সালের তুলনায় 160 শতাংশ বেশি ছিল।

এদিকে, S.301A/A.481A নিউ ইয়র্ক স্টেটের তামাক ব্যবহার প্রতিরোধ ও নিয়ন্ত্রণ কার্যক্রম বাড়ায়, অন্যান্য কৌশলগত কার্যকলাপ সহ যার মধ্যে রয়েছে কমিউনিটি ও স্কুলভিত্তিক কর্মসূচি, বিপণন ও বিজ্ঞাপনী প্রচারণা, যুব ও প্রাপ্তবয়স্কদের জন্য তামাক নিবৃত্তি কর্মসূচি এবং তরুণদের পণ্যগুলো পাওয়ায় বিধিনিষেধ। এই বিলে তামাকজাত দ্রব্য ব্যবহার প্রতিরোধ ও নিয়ন্ত্রণ উপদেষ্টা বোর্ডকে (Tobacco Use Prevention and Control Advisory Board) স্বাস্থ্য কমিশনারকে প্রয়োজনীয় সরঞ্জামের সরবরাহ করার আহ্বান জানায় যাতে ই-সিগারেট ও লিকুইড নিকোটিনেন মোকাবেলা করার জন্য স্বাস্থ্য অধিদপ্তরের তামাক ব্যবহার প্রতিরোধ ও নিয়ন্ত্রণ কার্যক্রম হালনাগাদ করা যায়।

**সিনেটর ব্র্যাড হমেলম্যান বলেন,** "ভ্যাপিং একটি জাতীয় জনস্বাস্থ্যগত জরুরী বিষয়, বিশেষ করে কিশোরদের মধ্যে যারা উদ্বিগ্নজনক হারে নিকোটিনে আসক্ত হচ্ছে। আমি গভর্নর কুওমোর কাছে কৃতজ্ঞ যে তিনি এই সাহসী পদক্ষেপ গ্রহণ করছেন এবং আজ আমাদের আইন (S.301-A/A.481-A) এ স্বাক্ষর করেছেন যা আমাদের সবচেয়ে ঝুঁকিপূর্ণ জনসংখ্যার মধ্যে, বিশেষ করে শিশুদের মধ্যে ই-সিগারেটের বিপদ সম্পর্কে শিক্ষিত করতে সাহায্য করবে। এটি আরো খারাপ হয়ে যাওয়ার আগেই আমাদেরকে এই স্বাস্থ্য সঙ্কট নির্মূল করতে হবে। নিউ ইয়র্ক স্টেট সিনেটর সংখ্যাগরিষ্ঠ নেতা অ্যান্ড্রিয়া স্টুয়ার্ট-কাজিনস, সিনেট হেলথ কমিটির চেয়ার গুস্তাভো রিভেরা এবং এই আইনের অ্যাসেম্বলি স্পন্সর লিন্ডা রোজেনথাল সহ এ বিষয়ে কাজ করা আমার সহকর্মীদের কাজের আমি অত্যন্ত প্রশংসা করছি।"

**অ্যাসেম্বলি সদস্য লিন্ডা রোজেনথাল, যিনি ই-সিগারেট ব্যবহারের সঙ্গে যুক্ত জানা ও অজানা বিপদের বিরুদ্ধে মানুষকে রক্ষা করতে 2012 সাল থেকে আটটি আইন পাশ করেছেন, তিনি বলেন,** "ই-সিগারেট ব্যবহার সংক্রান্ত গুরুতর স্বাস্থ্য প্রভাব এবং মৃত্যুর আলোকে, এই আইনে স্বাক্ষর করে আইন প্রণয়ন করা খুব শীঘ্রই যথেষ্ট ফলপ্রসূ হতে পারবে না। অনেক দিন ধরে, ই-সিগারেট কোম্পানিগুলো চিত্তাকর্ষক বিপণন চর্চা এবং মসৃণ বিজ্ঞাপন প্রচারণা ব্যবহার করেছে ড্রেন্ডি সেটিংসে আকর্ষণীয় তরুণ মডেল সমন্বিত 'শীতল' স্বাদে তরুণদেরকে আজীবন বিপজ্জনক নিকোটিন আসক্তিতে প্রলুব্ধ করতে। স্টেটের তামাক ব্যবহার প্রতিরোধ ও নিয়ন্ত্রণ কার্যক্রমে ই-সিগারেট, যা নিউ ইয়র্কে ঐতিহ্যগত ধূমপানের হার নাটকীয়ভাবে হ্রাস করতে সাহায্য করেছে, অন্তর্ভুক্ত করলে তা তথ্য প্রাপ্তির ব্যবধান বন্ধ করতে আমাদের সাহায্য করবে। জ্ঞানই শক্তি এবং আগ্রাসী ভ্যাপিং-প্রতিরোধের শিক্ষায় বিনিয়োগ করা, ই-সিগারেট ব্যবহার সম্পর্কে অনুসাহিত করতে সাহায্য করবে, বিশেষ করে তরুণদের মধ্যে ই-সিগারেট ব্যবহার সম্পর্কে স্মার্ট সিদ্ধান্ত নিতে তাদের যে তথ্য প্রয়োজন তা সরবরাহে ক্ষমতায়নের মাধ্যমে।"

সাধারণ মানুষের স্বাস্থ্য সম্পর্কিত দুটি ক্রমবর্ধমান সংকটের সমাধানের জন্য গভর্নর অ্যান্ড্রু এম. কুওমো আজ নিউ ইয়র্ক স্টেট স্বাস্থ্য দপ্তরকে আজকের নির্বাহী আদেশ ও বিলে স্বাক্ষর করার মাধ্যমে একগুচ্ছ পদক্ষেপ নেওয়ার নির্দেশ দিয়েছেন। স্বাস্থ্যের সংকটগুলি হল: বাষ্পপান সম্পর্কিত শ্বাস প্রশ্বাসের রোগ বেড়ে চলা এবং তরুণদের মধ্যে বাষ্পপানে নেশা করার পণ্যগুলির ব্যবহার বৃদ্ধি এবং সারাজীবনের জন্য নিকোটিনে আসক্ত হয়ে পড়া। ভেপিং পণ্যগুলির কালো বাজারিতে ব্যবহৃত "ঘন করার উপকরণসমূহের" বিপণন ও বিক্রয়ে লিপ্ত কোম্পানিগুলির উপর হকুমনামা

জারি করার জন্য এবং সমস্ত বাষ্প এবং ধোঁয়ার নেশার দোকানগুলিতে সতর্কতার চিহ্নগুলি আবশ্যিক করার জরুরি বিধি জারি করতে গভর্নর স্বাস্থ্য দপ্তরকে নির্দেশ দিয়েছেন।

সেইসাথে, গভর্নর কুওমো স্বাস্থ্য দপ্তরকে জনস্বাস্থ্য এবং স্বাস্থ্য পরিকল্পনা পরিষদের (Public Health and Health Planning Council, PHHPC) অনুমোদন সাপেক্ষে, নিউ ইয়র্ক স্টেটে ভেপিং পণ্য বিক্রয়কারী সংস্থাগুলিকে ভেপিংয়ের বিপদ প্রদর্শনকারী [সাইনেজ](#) লাগাবার জরুরি নিয়মাবলি জারি করার জন্য নির্দেশ দিয়েছেন। ভেপিংয়ের সাথে জড়িত বহুবিধ ঝুঁকিগুলি সম্পর্কে জনসাধারণকে আরও শিক্ষিত করে তুলতে স্বাস্থ্য দপ্তর একটি পাবলিক সার্ভিস ক্যাম্পেনও আরম্ভ করেছে।

গভর্নর কুওমো নিউ ইয়র্ক স্টেটে ইলেকট্রনিক সিগারেটের ব্যবহারকে নিরুৎসাহ করতে সুগন্ধি ইলেকট্রনিক লিকুইডগুলি সঙ্গে রাখা, তৈরি করা, বন্টন করা, বিক্রয় বা বিক্রয়ের প্রস্তাব করা নিষিদ্ধ করার জন্য আইন প্রণয়ন করবেন।

স্বাস্থ্য দপ্তরের ডেটা অনুযায়ী, নিউ ইয়র্ক স্টেটের 12 গ্রেডের ছাত্র ছাত্রীদের মধ্যে প্রায় 40 শতাংশ এবং হাই স্কুলের ছাত্র ছাত্রীদের মধ্যে প্রায় 27 শতাংশ এখন ই-সিগারেট ব্যবহার করে, এবং এই বৃদ্ধির অন্যতম প্রধান কারণ হল সুগন্ধি ই-লিকুইড। 2018 সালে হাই স্কুলে এর ব্যবহার (27.4%) 2014 সালে এর ব্যবহারের (10.5%) থেকে 160 শতাংশ বৃদ্ধি পেয়েছে। যেখানে নিউ ইয়র্কের হাই স্কুলের ছাত্র ছাত্রীদের ধূমপানের হার 2000 সালের 27.1% থেকে 2016 সালে 4.3% এ রেকর্ড হ্রাস পেয়েছিল, সেখানে সুগন্ধি ই-সিগারেটের আগ্রাসী বিপণন প্রচার প্রবণতাটিকে পরিবর্তন করেছে। যুবাদের আকৃষ্ট করতে ভেপিং/অ্যারোসল শিল্পের একটি মুখ্য বিপণন কৌশল সুগন্ধি করে তোলা ঠিক যেমন সিগারেট, সিগার, এবং ধোঁয়াহীন তামাকের বাজারগুলিতে আছে। ই-সিগারেট বিপণন মিন্ট চকোলেট, বাবলগাম এবং চেরি কোলার মতো সুগন্ধগুলিকে হাইলাইট করে, এবং একটি ব্রান্ড বিশ্বাস তৈরি করে যে সেগুলি ব্যবহারকারীদের জন্য ক্ষতিকারক নয়। অধ্যয়নে দেখা গেছে যে 2016 সালে প্রায় 78 শতাংশ হাই স্কুল ছাত্র ছাত্রী, এবং 75 শতাংশ মিডল স্কুলের ছাত্র ছাত্রীকে প্রো-টোবাকো বিপণনে প্রদর্শন করা হয়েছে বলে রিপোর্ট করা হয়েছে।

ভ্যাপ পণ্য ব্যবহার করে রোগীরা বিভিন্ন ধরনের উপসর্গের কথা জানিয়েছেন, যেগুলো দিন থেকে সপ্তাহ পর্যন্ত সময়ে গড়ে ওঠে, যেমন: ফুসফুসের উপসর্গ (কাশি, শ্বাস কষ্ট, বুকে ব্যথা), গ্যাস্ট্রোইনটেস্টিনাল উপসর্গ (বমিভাব, বমি, ডায়রিয়া), অবসাদ, জ্বর, মাথাব্যথা, আর ওজন কমে যাওয়া।

###

অতিরিক্ত তথ্য পাওয়া যাবে এখানে [www.governor.ny.gov](http://www.governor.ny.gov)  
নিউইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)